



**USAID**  
OD AMERIČKOG NARODA

| USAID Turizam



**UN**  
environment  
United Nations  
Environment Programme

**FOTO TAKMIČENJE  
ZA MLADE:**

# Ljepota ZAŠTIĆENE PRIRODE BIH



**Rok za prijave:**

20. juli 2021.

**Proglašenje dobitnika:**

28. juli 2021., Svjetski dan zaštite prirode

**Ko može učestvovati:**

Učesnici moraju biti građani BiH između 15 i 29 godina starosti

**Nagrade:**

IMTEC HP Laptop 15s-eq2067nm, Coleman Biker vreća za spavanje, dva seta Ferrino pribora za jelo prilikom boravka u prirodi i simbolične nagrade

## OPIS

Projekt USAID Turizam, u partnerstvu sa Svjetskom organizacijom za prirodu (WWF) i Programom Ujedinjenih nacija za zaštitu okoliša/životne sredine (UNEP), povodom Evropskog dana parkova organizira foto takmičenje za mlade u BiH. Evropski dan parkova predstavlja priliku da se podigne svijest o značaju zaštićenih područja širom Evrope. Obilježavanje ovog dana je 1999. godine pokrenula Federacija EUROPARC.

Pozivamo sve mlade između 15 i 29 godina da učestvuju u foto takmičenju „Ljepota zaštićene prirode BiH“ koje će trajati od 24. maja do 20. jula.

Motivi vaših fotografija mogu biti prizori iz već zaštićenih područja (nacionalnih parkova, parkova prirode i sl.), planiranih budućih zaštićenih područja, ali i područja za koja smatrate da bi mogla i trebala biti zaštićena. Također vam ostavljamo slobodu da to mogu biti i motivi biljaka i životinja, pitoreskni krajolika, lokalnih proizvoda hrane i pića spravljenih u zaštićenim područjima. Igrajte se sa svjetlom, izlascima i zalascima sunca. Fotografije mogu biti makro i mikro, crno-bijele ili u boji. Također možete fotografirati i neke aktivnosti u zaštićenim područjima, poput planinarenja, penjanja, vožnje biciklom ili neku drugu aktivnosti koja ne narušava prirodni ambijent.



**USAID**  
OD AMERIČKOG NARODA

| **USAID Turizam**

Dajemo vam slobodu da opišete fotografije, te ukoliko imate neki savjet ili poruku zašto je bitno da zaštitimo prirodu i imamo zaštićena područja, da nam napišete poruku.

Kroz foto takmičenje „Ljepota zaštićene prirode BiH“ želimo potaknuti mlade u Bosni i Hercegovini da provode što više vremena u prirodi i postanu ambasadori zaštićenih područja u svojoj regiji, ali i onih područja koja još uvijek nisu zaštićena. Budite njihov glas i pokrenite svoje vršnjake, građane i donosiocje odluka da svakodnevno rade na očuvanju, konzervaciji i zaštiti prirode!

Zajedno podignimo svijest o ulozi zaštićenih područja u Bosni i Hercegovini, kao i unaprjeđenju kvaliteta života građana i građanki, a posebno lokalnih zajednica u okruženju parkova.

## **PRAVILA TAKMIČENJA**

- U foto takmičenju mogu učestvovati mlade osobe između 15 i 29 godina starosti. Svi učesnici moraju biti građani/građanke Bosne i Hercegovine.
- Fotografije moraju biti snimljene u Bosni i Hercegovini.
- Samim sudjelovanjem na natječaju učesnici i učesnice se slažu s pravilima takmičenja i garantiraju da je fotografija njihovo autorsko djelo te preuzimaju svu odgovornost za slučaj da se ispostavi drukčije.
- Jedan učesnik/učesnica može poslati maksimalno 3 fotografije.
- Fotografija mora imati rezoluciju od najmanje 12 MP i veličinu između 3 i 10 MB, te treba dosljedno prikazivati fotografirane motive.
- Sve pristigle fotografije će biti objavljene na Facebook stranici i Instagram profilu projekta USAID Turizam.
- Tri fotografije koje dobiju najveći broj lajkova će dobiti simbolične nagrade, dok će žiri neovisno o broju lajkova dati konačan sud.
- Žiri koji će ocjenjivati fotografije činit će tri profesionalna fotografa iz Bosne i Hercegovine.
- Ukoliko situacija sa pandemijom COVID-19 ne dopusti drugačiju organizaciju, proglašenje dobitnika i ceremonija dodjele nagrada održat će se virtualno, 28. jula, povodom Svjetskog dana zaštite prirode.

## **KAKO SE PRIJAVITI**

- Fotografije pošaljite na email adresu [ssirco@turizambih.ba](mailto:ssirco@turizambih.ba) uz naznaku „Za foto-takmičenje“ najkasnije do 20. jula 2021. Naknadno pristigle fotografije kasnije neće biti uvrštene u takmičenje.
- Svaka fotografija u nazivu treba da sadrži ime autora/autorice i naziv fotografije.
- Uz svaku fotografiju svaki učesnik/učesnica obavezan/na je poslati lokaciju gdje je snimljena fotografija.
- Potičemo vas da uz svaku fotografiju pošaljete i opis/poruku u dužini od maksimalno 100 riječi.

## **NAGRADE**

Nagrade za natječaj obezbijeduju partneri projekta IMTEC d.o.o. i Alp Outdoor Shop.

- Nagrada za prvo mjesto je IMTEC HP Laptop 15s-eq2067nm
- Nagrada za drugo mjesto je vreća za spavanje Coleman Biker
- Nagrada za treće mjesto su dva Ferrino seta za jelo za korištenje tokom boravka u prirodi



**USAID**  
OD AMERIČKOG NARODA

| **USAID Turizam**

Učesnici/učesnice natječaja se slažu i prenose pravo na korištenje fotografija na organizatora takmičenja – USAID Turizam i partnere u organizaciji ovog takmičenja.

Autori zadržavaju autorska prava nad svojim fotografijama, a organizatoru takmičenja - projektu USAID Turizam i partnerima dozvoljavaju tj. daju neekskluzivno pravo da ih koristi na projektu, za promociju destinacije i zaštite okoliša i sl.

Organizator ne snosi odgovornost za moguću zloupotrebu (kopiranje, neovlašteno objavljivanje prispjelih fotografija).

Također, organizator zadržava pravo da ne objavi fotografije neprimjerenog sadržaja kao i da u slučaju neregularnosti diskvalificira učesnike i fotografije obriše bez prethodne najave i objašnjenja.

Slanjem fotografije na takmičenje dozvoljavate administratoru da izvrši korekcije boja, kontrasta i sl., te da promjeni dimenzije i oblik fotografije, izvrši isjecanje određenih dijelova i sl. kako bi fotografija izgledala što atraktivnije i prilagodila se formatu koji zahtjeva prostor za objavu na društvenim mrežama i web stranici USAID Turizam projekta i partnera.

Za više informacija, molimo Vas kontaktirajte projekt USAID Turizam putem emaila [info@turizambih.ba](mailto:info@turizambih.ba).